

# Hylli i Dritës

*Ubi Spiritus Domini, ibi libertas.*

(-II ad Cor. III, 17-).



- |  |         |
|--|---------|
| 1. Çashtja e Kryegjytetit e Kleri katolik    | Fq. 145 |
| 2. Reforma arsimore në Shqypni               | 153     |
| 3. Mémoire historique                        | 169     |
| 4. Prej lulishtet të Franciskajve në Shkoder | 175     |
| 5. Kangë Kreshnikësh — Muji tu Mreti         | 182     |
| 6. Trazimet e Qershorit 1924                 | 186     |
| 7. Lajme                                     | 210     |
| 8. Bibljografi                               | 215     |

SHKODER  
Shtypshkroja Franciskane  
1924.

5

— 1928 FEBRUAR 1911 — 1917

P. T.

## Pajtimtarve

---

qi nuk janë ndreqë me Marshtrimin e së Perkohëshmes, u lutena të kën mirsin me e dergue sa më parë pajtimin. Mund e kuptojë sejcilli lexues se çka don me thënë me majtë më kâmë një veper si është kjo e jona, në një kohë kû gjithshkafja është aq shtrëjt.

---

---

# Çashtia e Kryegjytetit e Kleri katolik.

Do nierz, qi, djè dalë prej shpergâjsh, kan ngrëfë tureçkat per desh kumone e mbahen se janë të premë per me i prîë kombit kahë e mara e e mira, shkojnë tuj thânë neper „kafe“ e „mejhane“ të Tiranës, se Shkodra s' do zgiedhë per kryegjytet, per arsye, qi Shteti kishte me u gjetë nen influencë të Klerit katolik.

Fjalët, qi fliten „kafeve“ e ndermjet gotave e potirave të „mejhaneve“, kurr s' munden me pasë aq randsi, sa me i marrë në kujdes nji e perkohshme objektive, si âsht kjo e jona: mbasi ajri i atyne ambjenteve nuk âsht mâ i shndoshti e mâ i perkueshmi, per me u bâ jehi i opinjonit publik. Por, tue kënë se nji palë nierz, si dikuer tokët e popullit, sod kan bâ monopol opinjonin publik të disà krahinave të Shqypnis, e se në Tiranë nuk kà, të thuesh, mjete e ambjente tjera, posë „kafesh“ e „mejhanesh“, per me njoftë ket opinjon, kshtû nuk na duket krejt jasht vendit, qi na ket fjalë t' a peshojmë m' kandar t' arsyes e të shofim, palë a pernjimend se atà nierz, qi flasin kso dore, s' duen t' a biën kryegjytetin në Shkoder, pse druen influencen e Klerit katolik, a po pse druen dishkà tjeter, e fla-

